



Broj: 111-34-31603-32/25
Sarajevo, 18.09.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

PREDMET: Odgovor na zastupničko pitanje, *dostavlja se*

Poštovani,

Zastupnica u Skupštini Kantona Sarajevo Vedrana Vujović je dana 11.09.2025. godine, u skladu sa čl.211.i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12-Drugi novi prečišćen tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) postavila zastupničko pitanje:

Imajući u vidu da je budžetom Kantona Sarajevo za 2025. godinu na poziciji Tekući transferi neprofitnim organizacijama-predškolsko i osnovno obrazovanje predviđeno 21.180.668 KM i to za: nabavku udžbenika za učenike osnovnih škola, realizaciju projekata Škola plivanja, Škola skijanja, Škola planinarstva, Škola u prirodi, Inkluzija, produženi boravak učenika, troškovi realizacije eksterne mature, sufinansiranje smještaja i boravka djece predškolskog uzrasta u privatnim predškolskim ustanovama, tražim odgovor: po kojem planu, programu i dinamici će biti realizovani ovi projekti u školskoj 2025/2026. godini, sa posebnim fokusom na Školu plivanja za učenike četvrtih razreda osnovnih škola u Kantonu Sarajevo?

Odgovor:

Poštovana,

Vlada Kantona Sarajevo donijela je Zaključak, kojim se usvojio Program sufinansiranja boravka djece predškolske dobi u privatnim predškolskim ustanovama na području Kantona Sarajevo u školskoj 2025/26. godini. Navedenim Zaključkom Vlada Kantona Sarajevo je zadužila Ministarstvo za odgoj i obrazovanje Kantona Sarajevo (u daljem tekstu: Ministarstvo) da poduzme mjere i radnje iz svoje nadležnosti definisane Programom, a na osnovu čega je Ministarstvo donijelo Instrukciju o upisu djece u predškolske ustanove u školskoj 2025/26. godini, kojom je jasno propisan cjelokupni proces upisa djece u predškolske ustanove putem online platforme sistem EMIS-predškolsko.

Vlada Kantona Sarajevo je donijela Odluku o davanju saglasnosti na Program sufinansiranja troškova produženog boravka za učenike od prvog do četvrtog razreda osnovne škole u osnovnim školama kao javnim ustanovama na području Kantona Sarajevo. Dio sredstava koji je planiran u

Budžetu Kantona Sarajevo za 2025. godinu, na razdjelu Ministarstva biće preraspodijeljen budžetskim korisnicima u skladu sa potrebama. Roditelji će plaćati 140 KM mjesečno, za ishranu učenika, a razlika stvarnih troškova pokrivaće se iz Budžeta Kantona Sarajevo.

Škola plivanja, Škola skijanja, Škola planinarstva, Škola u prirodi su oblici odgojno-obrazovnog rada i predmet su Pravilnika o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj školi ("Službene novine Kantona Sarajevo", br. 34/24 i 10/25-Pravilnik). Navedenim Pravilnikom je propisano da JU Institut za razvoj preduniverzitetskog obrazovanja Kantona Sarajevo (Institut) planira i koordinira realizaciju Škole plivanja, Škole skijanja i Škole planinarstva.

U Budžetu Kantona Sarajevo za 2025. godinu, odobrena su sredstva za nabavku novih udžbenika za učenike od I do IV razreda u školskoj 2025/2026. godini. Nabavku udžbenika realizovaće škole u skladu sa članom 17. i ostalim odredbama Zakona o javnim nabavkama Bosne i Hercegovine ("Službeni glasnik Bosne i Hercegovine, broj 39/14 i 59/22) a plaćanje će izvršiti Ministarstvo, nakon dostavljene kompletne dokumentacije o provedenoj proceduri i dostavljenog izvještaja o realizaciji nabavke udžbenika.

Sredstva za realizaciju projekta Škola u prirodi, kao specifičnog oblika nastave, za učenike IV razreda odobrena su u Budžetu Ministarstva. Škole će provoditi proceduru javne nabavke, te nakon okončanja procedure Ministarstvu dostaviti potrebnu dokumentaciju za plaćanje. Maksimalan iznos odobrenih sredstava za realizaciju Škole u prirodi je 230 KM po učeniku.

Škola plivanja za učenike četvrtog razreda osnovnih škola, u školskoj 2025/2026. godini, biti realizovana u skladu sa Nastavnim planom i programom, o čemu će škole biti detaljno obaviještene.

Eksterna matura se provodi u skladu sa članom 61. stav (2) Zakona o odgoju i obrazovanju u osnovnoj i srednjoj školi ("Službene novine Kantona Sarajevo", broj 27/24) i Pravilnika o polaganju eksterne mature ("Službene novine Kantona Sarajevo", br. 25/18, 17/19 i 24/19) nakon završenog devetog razreda osnovne škole.

S poštovanjem,



Dostaviti:

1. Naslovu;
2. Evidenciji;
3. a/a